

29.12.2017թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԵՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ԱՇԽԱՏԱԿԱԶՄԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 363917/08

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ԿԱ ՊԵԿ աշխատակազմի իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 12281 գործը ն ուսումնասիրելով վարչական իրավախախտման վերաբերյալ 20.12.2017թ. թիվ 12281 արձանագրությունը և կից նյութերը,

ՊԱՐԶԵՑԻ

«Ռ.Ս. գրուպ» ՍՊԸ-ի տնօրեն Ռուբիկ Գևորգյանը (ՀՎՀՀ 04426479, հասցե՝ ք.Էջմիածին, Մաշտոցի 10 շ. 19 բն., անձն.՝ AK0462635) 2017թ. 3-րդ եռամսյակի ավելացված արժեքի հարկի հաշվարկը <Ավելացված արժեքի հարկի մասին> ՀՀ օրենքի 32-րդ և 33-րդ հոդվածներով սահմանված ժամկետում չի ներկայացրել հարկային մարմին: Նշված արարքը նախատեսված է վարչական իրավախախտումների վերաբերյալ Հայաստանի Հանրապետության օրենսգրքի 169¹ հոդվածի 2-րդ մասով, ինչի կապակցությամբ հարուցվել է վարչական վարույթ:

Վարչական վարույթի շրջանակներում ընկերության տնօրենին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ փոստային ծառայությունից չի ստացվել ոչ հետադարձ ծանուցման կտրոնը և ոչ էլ նամակը չստանալու վերաբերյալ փաստաթուղթ, ՀՀ ԿԱ ՊԵԿ աշխատակազմի իրավաբանական վարչության պետի կողմից 20.12.2017 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Ակտի հասցեատերը ի հայտ է եկել, սակայն չի ներկայացրել վարչական իրավախախտման վերաբերյալ արձանագրության կազմմանը և գործի քննությանը, գործում բացակայում են վարչական պատասխանատվությունը մեղմացնող կամ բացառող հանգամանքները, գործում առկա չեն բացատրություններ, լրացուցիչ ապացույցներ և միջնորդություններ:


Նկատի ունենալով, որ վարույթի կասեցման համար հիմք հանդիսացած հանգամանքը վերացել է, ուստի հաշվի առնելով վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով, «Վարչական իրավախախտումների վերաբերյալ» ՀՀ օրենսգրքի 32-րդ հոդվածի 2-րդ մասով, 244²-րդ, 281-րդ հոդվածներով և 282-րդ հոդվածի 1-ին մասի 1-ին կետով՝

ՈՐՈՇԵՑԻ

1. Ռուբիկ Գևորգյանի վերաբերյալ հարուցված թիվ 12281 վարչական վարույթը վերսկսել:
2. Ռուբիկ Գևորգյանի նկատմամբ կիրառել վարչական տույժ՝ նշանակել տույժը 20.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ս. Մանուկյան



Ա.ՄՆԱՑԱԿԱՆՅԱՆ